

Powšitkowne WOZJEWJENJA

njedźelu, 19. decembra 2021

Wusyłanje Božich mšow

Serbskorěčne Bože mše móža wěriwi tutu njedźelu, 19. decembra, znowa jako live-stream w interneće scěhować. Jedna přenjese so we 8.30 hodź. z Kulowskeje, dalša w samsnym času z Ralbičanskeje jako awdijo kaž tež w 9 hodź. z Chróšćanskeje cyrkwyje. Linki na nje su w interneće pod www.posol.de a na wosadnych stronach podate.

Přiležnosť k swjatej spowědźi w Róžeńće

wutoru, 21. decembra farar M. Anders, farar dr. B. Dittrich,
18.30 – 19.30 hodź. kapłan Jens Buliš

Kóždu sobotu je do Božeje mše za lud a kraj, kotraž so we 8 hodź. zahaji, přiležnosť k swjatej spowědźi.

Wusyłanje Božich mšow wokoło hód

Kemše w Božej nocy, 24. decembra, přenjese so z Kulowa w 19.30 hodź. a w 22.00 hodź. z Chróšćic kaž tež z Ralbic, wottam jako awdijo z fotami. Z Chróšćic wusyłaja so kemše w Božej nocy tohorunja w Serbskim rozhłosu. Hižo wot 21.00 hodź. wusyła scelak serbsku hodownu hudźbu.

Boži dzeń a naslědnu njedźelu, druhi swjaty dzeń hód, 25. a 26. decembra, přenjese so kemše stajnje we 8.30 hodź. z Kulowskeje a w 9.00 hodź. z Chróšćanskeje cyrkwyje, z Ralbičanskeje cyrkwyje njedźelu, 26. decembra, we 8.30 hodź. jako awdijo. Linki na kemše su pod www.posol.de podate.

Štóž swoje aktiwity w nabožnym wobłuku wokoło hód w interneće předstaji, móže link na tute zarjadowanje redakciji z mailku na Katolski@Posol.de sposrědkować. Ta jón na swojej internetowej stronje www.posol.de wozjewi, tak zo móža to tež dalši scěhować.

Hodowna hra z Róžanta jako film

W Róžeńće su džěci z pomocu dorosćenych zaso sčasom do hód film natočili, kotryž ma hodownu hru narunać. Tu su tam hewak patoržicu, 24. decembra, popołdnju pokazali. Lětsa budže film na tym dnju wot 15 hodź. online přistupny. Link na njón je pod www.posol.de wozjewjeny.

Hodowne rozpominanje za swójby

Na internetowej stronje serbskeho dekanatneho dušepastyrstwa za džěci a młodžinu je wozjewjeny nyšpor z hodownym hračkom, kotrež hodži so doma w swójbje bjez wulkich přihotow hrać. Link na njón je pod www.posol.de podaty.

Mandželski seminar

Seminary k přirotej na sakrament mandželstwa wotměja so stajnje pjatk a sobotu, 11. a 12. februara, 11. a 12. měrca kaž tež 25. a 26. nowembra w Smochčanskim kubłanišću swjateho Bena. Přizjewjenja za seminar w februaru přijimuju so hač do srjedy, 26. januara, ale jeničce online. Link je pod www.posol.de wozjewjeny.

Serbske wukublanje JULEICA

Worklečanske młodžinske dušepastyrstwo přewjedže za zajimcow klětu nalěto kurs JULEICA. Wobdžělnicy dóstanu kartu, z kotrejž so wobkrući, zo su wotpowědny kurs wopytali a sej kmanosće čestnohamtskeho nawjedowanja młodžinskich skupin přiswojili. Přeni džěl wotměje so wot pjatka do njedzele, 11. do 13. měrca, we Worklecach, druhu tohorunja wot pjatka do njedzele, 1. do 3. apryla, w Smochćicach, tam z přenocowanjom. Zajimcy měli so hač do srjedy, 19. januara, online přizjewić. Link je pod www.posol.de podaty.

Za młodych dorosćenych jeničce kubłanski džěń

Worklečanske dekanatne dušepastyrstwo přepróšuje serbskich młodych dorosćenych w starobje 18 do 30 lět na zhromadny kubłanski džěń do Budyšina. Tutón wotměje so sobotu, 8. januara. Přizjewjenja přijimuju so jeničce online hač do wutory, 21. decembra. Při tym dóstanu nadrobniše informacije. Link je pod www.posol.de wozjewjeny. Dotal planowane kubłanske dny w Schmiedebergu so pandemiskeho položěnja dla přewjesć njesmědža.

Jězba w lěću za šulerjow 5. do 8. lětnika

Dekanatne dušepastyrstwo džěći přepróšuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot póndzele do pjatka, 15. do 19. awgusta 2022. Swójski přinošk na wobdžělnika wučinja 100 eurow. Přizjewjenja přijimuju hač do njedzele, 30. apryla 2022, ale jeničce online. Link na wotpowědnu stronu je pod www.posol.de wozjewjeny.

Džělowe městno za domjace džělo w klóštrje

Klášter Marijina hwězda w Pančicach-Kukowje pyta wosobu za džěla w domjacnosći. K tomu słuša tež nawod zbrašenych sobudžělačerjow w jich wobłuku. Městno ma so w januara 2022 wobsadzić. Wobšěrne wopisanje je pod www.posol.de wozjewjene.